



Na osnovu člana 7. stav (1) i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13), kao i člana 2. Odluke o standardima i kriterijima za imenovanje na poziciju predsjednika i članova Upravnog odbora i predsjednika i članova Nadzornog odbora Kantonalne javne ustanove za zaštićena prirodna područja ("Službene novine Kantona Sarajevo", broj 26/24), a u vezi sa čl. 25. i 34. Zakona o ustanovama ("Službeni list Republike BiH", br. 6/92, 8/93 i 13/94) i čl. 10. i 15. Odluke o osnivanju Kantonalne javne ustanove za zaštićena prirodna područja ("Službene novine Kantona Sarajevo", broj 31/17), Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo raspisuje

JAVNI OGLAS

za imenovanje kandidata na poziciju predsjednika i članova Upravnog odbora i predsjednika i članova Nadzornog odbora Kantonalne javne ustanove za zaštićena prirodna područja

1. Predmet Javnog oglasa:

Oglašavaju se upražnjene pozicije u Kantonalnoj javnoj ustanovi za zaštićena prirodna područja (u daljem tekstu: KJU za zaštićena prirodna područja):

1. Predsjednik Upravnog odbora..... 1
2. Član Upravnog odbora..... 2
3. Predsjednik Nadzornog odbora 1
4. Član Nadzornog odbora 2

2. Opis pozicije

Upravni Odbor (pozicija 1. i 2.) obavlja poslove od značaja za oblast kojom se bavi KJU za zaštićena prirodna područja, a koji se sastoje u: donošenju Pravila ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju godišnjeg obračuna, donošenju općeg akta o unutrašnjoj organizaciji i sistematizaciji poslova i drugih općih akata u skladu sa zakonom i pravilima, odlučivanju o svim pitanjima obavljanja djelatnosti radi kojih je KJU za zaštićena prirodna područja osnovana (ako zakonom nije propisano da o određenim pitanjima odlučuje drugi organ Ustanove), usmjeravanju, kontrolisanju i ocjenjivanju rada direktora, rješavanju svih pitanja sa osnivačem, odlučivanju o korištenju sredstava preko iznosa utvrđenog pravilima Ustanove KJU za zaštićena prirodna područja, odgovornosti osnivaču za rezultate rada ustanove, podnošenju osnivaču najmanje jednom godišnje izvještaja o poslovanju KJU za zaštićena prirodna područja i drugim poslovima u skladu sa zakonom, podzakonskim aktima i pravilima KJU za zaštićena prirodna područja.

Predsjednik i članovi Upravnog odbora imenuju se na period od četiri godine i mogu biti ponovo imenovani.

Nadzorni Odbor (pozicija 3. i 4.) analizira izvještaje o poslovanju KJU za zaštićena prirodna područja, vrši nadzor nad upotrebom sredstava za rad, pregleda godišnji izvještaj o poslovanju i



godišnji obračun, pregleda i provjerava urednost i zakonitost vođenja poslovnih knjiga, izvještava osnivača, Upravni odbor i direktora o rezultatima nadzora.

Predsjednik i članovi Nadzornog odbora imenuju se na period od četiri godine i mogu biti ponovo imenovani.

3. Uslovi za pozicije

Svi kandidati za imenovanje na pozicije 1-4 moraju ispunjavati sljedeće opće i posebne uslove:

Opći uslovi:

- a) da je državljanin Bosne i Hercegovine - **dokaz:** uvjerenje o državljanstvu ne starije od šest mjeseci od dana izdavanja od strane nadležnog organa do dana predaje prijave na Javni oglas;
- b) da je stariji od 18 godina - **dokaz:** izvod iz matične knjige rođenih,
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije - **dokaz:** ovjerena izjava kandidata data kod nadležnog organa ili notara,
- d) da se na kandidata ne odnosi član IX.1. Ustava Bosne i Hercegovine - **dokaz:** ovjerena izjava kandidata data kod nadležnog organa ili notara,
- e) da nije osuđivan za krivično djelo i za prekršaj nespojiv sa obavljanjem dužnosti u Upravnom i Nadzornom odboru KJU za zaštićena prirodna područja - **dokaz:** ovjerena izjava kandidata data kod nadležnog organa ili notara da će u slučaju da bude izabran dostaviti uvjerenje da nije osuđivan za krivično djelo i za prekršaj nespojiv sa obavljanjem dužnosti u Upravnom ili Nadzornom odboru KJU za zaštićena prirodna područja,

Napomena: Kandidati koji budu izabrani dužni su u roku od 10 dana od dana prijema obavijesti o izboru, dostaviti Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo Uvjerenje da nisu osuđivani za krivično djelo i za prekršaj nespojiv sa obavljanjem dužnosti u Upravnom ili Nadzornom odboru KJU za zaštićena prirodna područja.

- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03, 12/04, 63/08, 18/12 i 87/13), kao i Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) - **dokaz:** ovjerena izjava kandidata data kod nadležnog organa ili notara,
- g) da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22-Ispravka i 52/22-Ispravka) - **dokaz:** ovjerena izjava kandidata data kod nadležnog organa ili notara.

Posebni uslovi:

- a) da ima završen najmanje VII stepen školske spreme, odnosno najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem bakalaureat/bachelor (180 ECTS bodova) - **dokaz:** univerzitetska diploma,
- b) da ima najmanje pet godina radnog staža u struci nakon sticanja univerzitetske diplome - **dokaz:** potpisana i ovjerena od strane poslodavca potvrda o radnom stažu u struci;
- c) da posjeduje sposobnost za savjesno, odlučno i odgovorno obavljanje povjerene funkcije (intervju),
- d) da posjeduje sposobnost nepristrasnog donošenja odluka (intervju),
- e) da posjeduje sposobnost upravljanja finansijskim resursima (intervju),
- f) da posjeduje komunikacijske i organizacijske sposobnosti i da je naklonjen timskom radu (intervju),
- g) da nema privatni finansijski interes u KJU za zaštićena prirodna područja u čiji se Upravni ili Nadzorni odbor imenuje - **dokaz:** ovjerena izjava kandidata data kod nadležnog organa ili notara;



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

- h) da nije direktor KJU za zaštićena prirodna područja - **dokaz:** ovjerena izjava kandidata data kod nadležnog organa ili notara;
- i) da u trenutku podnošenja prijave na upražnjenu poziciju nije član niti jednog upravnog i/ili nadzornog odbora bilo kojeg pravnog lica (ustanove, privrednog društva, agencije, udruženja, fonda, i dr.) - **dokaz:** ovjerena izjava kandidata data kod nadležnog organa ili notara;
- j) da je u KJU za zaštićena prirodna područja zaposlen na neodređeno vrijeme – odnosi se na kandidata koji aplicira ispred zaposlenika KJU za zaštićena prirodna područja - **dokaz:** uvjerenje/potvrda koju izdaje KJU za zaštićena prirodna područja da je kandidat zaposlen na neodređeno vrijeme;
- k) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) - **dokaz:** ovjerena izjava kandidata data kod nadležnog organa ili notara).

4. Prijava na Javni oglas

Prijavljivanje se vrši putem prijavnog obrasca koji se može preuzeti sa službene web stranice Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo <https://mkipgo.ks.gov.ba/>. Uz prijavni obrazac, kandidat je dužan priložiti kraću biografiju, kao i originalne dokumente ili ovjerene kopije iz Tačke 3, ne starije od šest (6) mjeseci i ne starije od roka koji je naveden za pojedine dokaze kojima se ispunjavaju opći i posebni uslovi traženi Javnim oglasom.

Prijave sa svim traženim dokumentima dostavljaju se lično ili poštom preporučeno na adresu:

Ministarstvo komunalne privrede, infrastrukture, prostornog uređenja, građenja i zaštite okoliša
Kantona Sarajevo,
Komisija za izbor,
ulica Reisa Džemaludina Čauševića 1, Sarajevo
prizemlje (pisarnica), sa naznakom:

“PRIJAVA NA JAVNI OGLAS ZA IMENOVANJE U UPRAVNI I NADZORNI ODBOR KANTONALNE JAVNE USTANOVE ZA ZAŠTIĆENA PRIRODNA PODRUČJA (navesti za koju tačno poziciju/e kandidat aplicira) – NE OTVARAJ”.

Na poledini koverta navesti ime i prezime podnosioca prijave, adresu i kontakt telefon.

Kandidati koji žele aplicirati na više od jedne upražnjene pozicije obavezni su za svaku podnijeti posebnu prijavu, a dokumente kojima dokazuje ispunjavanje traženih uslova mogu priložiti uz jednu prijavu.

Prijave koje ne sadrže propisano iz ovog oglasa, kao i prijave podnesene istekom roka biće odbačene kao nepotpune odnosno neblagovremene, te se kao takve neće uzeti u razmatranje.

5. Ostale napomene

Javni oglas ostaje otvoren **15 dana od dana posljednjeg javnog objavljivanja**. Oglas će biti objavljen u "Službenim novinama Federacije Bosne i Hercegovine", dnevnom listu "Dnevni avaz" i na web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

Svi kandidati koji budu stavljeni na Listu sa užim izborom biće pozvani na intervju pred Komisijom za izbor. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatu i ispuniti obrazac u kojem će iznijeti bilo koje pitanje ili mogućnost koja bi mogla dovesti do pitanja sukoba interesa u slučaju da dođe do njegovog imenovanja. Obrazac će kandidati ispuniti neposredno prilikom intervjuja.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

Kandidate koje nakon intervjua preporučí Komisija za izbor smatraće se da su najuspješnije prošli otvorenu konkurenciju. Konačno imenovanje kandidata na poziciji predsjednika i članova Upravnog odbora i predsjednika i članova Nadzornog odbora vrši Vlada Kantona Sarajevo na osnovu predložene rang-liste najbolje ocijenjenih kandidata.

U slučaju da se ustanovi da izabrani kandidat ne dostavi dokaz ili dostavi dokaz kojim ne ispunjava uslov iz podtačke e) Općih uslova, njegova prijava će se odbaciti kao nepotpuna, a izabraće se sljedeći najuspješniji kandidat sa Liste užeg izbora kandidata, pod istim uslovima.

Lični podaci o podnosiocima prijava su tajni i mogu se prikupljati i obrađivati samo u skladu sa važećim Zakonom o zaštiti ličnih podataka ("Službeni glasnik Bosne i Hercegovine", br. 49/06, 76/11 i 89/11). Kandidat je dužan uz prijavu priložiti i izjavu kojom daje saglasnost da Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Komisija za izbor po Javnom oglasu za imenovanje predsjednika i članova Upravnog i Nadzornog odbora KJU za zaštićena prirodna područja mogu obrađivati dokumente kojima se dokazuje njegov lični identitet shodno odredbama pomenutog Zakona. Obrazac izjave može se preuzeti sa web stranice Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo <https://mkipgo.ks.gov.ba/>.

Zainteresirana stranka može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi i postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine. Prigovor se podnosi Vladi Kantona Sarajevo, a kopija istog se dostavlja i Ombudsmenu za ljudska prava Bosne i Hercegovine.

Podnosioci prijava sa kojima se ne stupi u kontakt u roku od 10 dana po isteku roka za podnošenje prijava, neće biti uzeti u razmatranje u daljem postupku imenovanja.

Nakon završene procedure imenovanja, prijava i dokumentacija se neće vraćati kandidatima koji su aplicirali na ovaj Javni oglas.

